

ESTATUTOS REGULADORES DEL CONSEYU ASESOR DE LA LINGUA ASTURIANA

CAPÍTULO I DENOMACIÓN Y FINXOS

Artículo 1.- Col nome de Conseyu Asesor de la Llingua, constitúyese nel conceyu de Gijón/Xixón un Conseyu Sectorial, acordies colo afitao nos artículos 130 y 131 del Reglamentu d'Organización, Funcionamientu y Réximen Xurídicu de les Entidaes Llocales, y 31 de Reglamentu d'Organización y Funcionamientu del Ayuntamientu de Gijón/Xixón, col envís d'encanalar la participación de la ciudadanía xixonesa al rodiu del usu efeutivu del asturianu nel Conceyu de Gijón/Xixón.

CAPÍTULO II FUNCIONES

Artículo 2.- El Conseyu Asesor de la Llingua desendolcará funciones d'informe y propuesta. Nesti últimu casu'l Conseyu empobinaráse a los Muérganos de Gobiernu que correspuenda, tramitándoles al traviés d'Alcaldía. Les propuestas nun van tener calter venceyante.

Artículo 3.- Son funciones del Conseyu Asesor de la Llingua:

1- Facer propuestas pa dar puxu y desenvolver l'usu del asturianu y facer efeutivu l'exerciciu de los derechos llingüísticos de la ciudadanía de Gijón/Xixón.

2.- Afalar l'aluerdu de planes específicos col Principáu d'Asturies pa facer efeutivu l'usu del asturianu nel Conceyu de Gijón/Xixón.

3.- Facer propuestas pa esparder los derechos llingüísticos y campañas de sofitu a los mesmos, y proponer actuaciones que promueven la cultura asturiana.

4.- Afitar criterios ya informar les solicitúes de subvención relatives a la promoción del asturianu, y sobre la distribución de les partíes del conceyu dedicaes pa eso.

5.- Proponer la organización d'alcuentros, cursos, xornaes, conferencies y esposiciones venceyaes cola promoción del asturianu con participación multidisciplinaria, autonómica, estatal o internacional.

6.- Proponer la edición de llibros, revistes o documentos y la creación d'un fondu documental al rodiu de los asuntos de competencia del Conceyu Asesor de la Llingua qu'integrarán l'Archivu del Conceyu.

7.- Cualesquier otros que'l Conceyu decida en rellación a la llingua asturiana.

CAPÍTULU III COMPOSICIÓN

Artículu 4.-El Conceyu tará formáu poles persones que van darréu:

- Presidente/a: L'Alcalde/sa o Conceyal/a en quien delegue.
- Vicepresidente/a: Un vocal nomáu per mayoría dientro del Conceyu Asesor de la Llingua, quien exercerá les funciones de Presidencia de nun tar el/la Presidente/a.
- El/la responsable de la Oficina Municipal de la Llingua que fadrá de secretariu/a, con voz y votu, quien llevará acta de les sos sesiones y que tamién tendrá que mirar pol correutu funcionamientu alministrativu del Conceyu.
- Un/a representante de cada Grupu Políticu del Conceyu.
- Un/a representante del Principáu d'Asturies, al traviés de la Consejería competente acordies cola materia.
- Un/a representante del Conceyu de la Moceda de Xixón.
- Un/a representante de la Academia de la Llingua Asturiana.
- Un/a representante de la Federación d'Asociaciones de Vecinos de Gijón/Xixón.

- Un/a representante de la Federación d'Asociaciones de Vecinos de la Zona Rural de Gijón/Xixón.
- Un/a representante de la Unión Comarcal de Comisiones Obreres de Gijón/Xixón
- Un/a representante de la Unión Comarcal de la Unión Xeneral de Trabayadores de Gijón/Xixón.
- Un/a representante de la Unión Comarcal de la Unión Sindical Obrera de Gijón/Xixón.
- Un/a representante de el Sindicatu Unitariu y Autónomu de Trabayadores de la Enseñanza d'Asturies.
- Un/a representante de la Unión de Comerciantes de Gijón/Xixón.
- Un/a representante de la Asociación d'Hostelería de Gijón/Xixón.
- Dos persones de reconocíu prestixu y dedicación a los llabores rellacionaos coles funciones del Conseyu, nomaes pola Alcaldía; una de les persones de reconocíu prestixu sedrá escoyida ente tres persones propuestes poles asociaciones. En dambos casos van designase per parte de los muérganos que desarrollen funciones venceyaes a los oxetos del Conseyu. Estos dos últimos casos propondránse por asociaciones que tengan por oxetu los finxos conseñaos na cláusula anterior.

Artículo 6.-El nomamientu de los miembros del Conseyu, mesmo de titulares que de suplentes, fadrálu la Xunta de Gobiernu, a propuesta de les distintes entidaes, sacantes la designación de persones de reconocíu prestixu. Los cambeos de vocales, mesmo de titulares que de suplentes, que se faigan cuando'l Conseyu tea formáu, fadránse pola Alcaldía tamién previa propuesta de les mesmes.



CAPÍTULO IV ORGANIZACIÓN

Artículo 6.- El Conseyu Asesor de la Llingua aconceyará ordinariamente cada 3 meses y estraordinariamente cuando lo considere oportuno la presidencia o una tercer parte de los sos miembros/es.

Artículo 7.- El Conseyu podrá nomar o desfacer comisiones internes, pa estudiar asuntos puntuales, cada vez qu'asina lo alcuerden la mayoría de los sos miembros/es.

Artículo 8.- El Conseyu Asesor podrá llamar a Asociaciones o persones rellacionaes coles sos xeres qu'asistirán con voz y ensin derechu a votu.

Artículo 9.- Correspuenderá a la Presidencia del Conseyu Asesor de la Llingua:

- Llamar, presidir y llevar los sesiones, y dirixir los alderiques.
- La representación llegal del Conseyu.
- La formación del orde del día.
- Decidir pal casu d'empate, con votu de calidá.

Artículo 10.- Les convocatories del Conseyu, fadráles la Presidencia polo menos cinco díes enantes, pa los aconceyamientos ordinarios y con dos díes pa los estraordinarios.

Artículo 11.- Habrá “quorum” d'asistencia cuando tea presente la mayoría de los miembros/es del Conseyu. De nun consiguisse, aconceyará en segunda convocatoria media hora depués, siempres que tean presentes la presidencia, dos vocales y el secretariu/a.

Artículo 12.- Los acuerdos adóptense per mayoría simple.

Artículo 13.- La non asistencia a tres sesiones siguies ensin causa xustificada de cualesquier miembru del Conseyu, valdrá pa separtalu y sustituilu.

Artículo 14.- La perda de la condición de representación pola que se noma miembru del Conseyu Asesor de la Llingua, supondrá automáticamente la perda de la condición de miembru del Conseyu, pudiendo proceder a la so sustitución.

Artículo 15.- Los miembros propuestos por colectivos podrán cambiase, siempre que-yos paeza afayadizo y asina lo conseñen per escrito.

Artículo 16 El Conseyu Asesor de la Llingua renovará cola Corporación Municipal.

CAPÍTULO V APLICACIÓN

Artículo 17.- En tolo non previsto nestos Estatutos axustaráse a lo afitao pol Reglamentu d'Organización y Funcionamientu del Ayuntamientu de Gijón/Xixón y el Reglamentu d'Organización y Funcionamientu Xurídicu de les Entidaes Locales.

CAPÍTULO VI MODIFICACIÓN Y DISOLUCIÓN

Artículo 18.- La modificación parcial o dafechu de los presentes Estatutos, asina como'l desaniciu del Conseyu asesor de la Llingua corresponde al Ayuntamientu Plenu, sentíu enantes el dictame del Conseyu.